



Bosna i Hercegovina
Federacija Bosne i Hercegovine
Tuzlanski kanton
GRAD GRADAČAC

H.K.Građašćevića 54, 76 250 Gradačac, telefon 035-817-322, fax. 035-818-716, e.mail: opc_grad@bih.net.ba, www.gradacac.ba

- Gradonačelnik -

Broj:02- 09-683 /20
Gradačac, 18.03.2020.godine

Na osnovu člana 29. tačka 7. Zakona o zaštiti i spašavanju ljudi i materijalnih dobara od prirodnih i drugih nesreća („ Službene novine Federacije BiH “, broj: 39/03, 22/06 i 43/10), Pravilnika o načinu rada i funkcionisanja štabova i povjerenika civilne zaštite („ Službene novine FBiH “, broj: 77/06 i 5/07), i člana 7. Stav 2 tačka 6. Statutarne odluke o organizaciji Grada Gradačac u skladu sa Zakonom o Gradu Gradačac („ Službeni glasnik Grada Gradačac“, broj: 01/19) na prijedlog Štaba civilne zaštite Grada Gradačac, Gradonačelnik Grada, d o n o s i

ODLUKU

u vezi sa proglašenjem stanja nesreće uzrokovane pojavom koronavirusa (COVID-19) na području države BiH, FBiH i TK i opasnosti širenja zarazne bolesti na području grada Gradačac

I

Ovom Odlukom a u skladu sa Odlukom Vlade FBiH (V broj: 408/2020 od 16.03.2020.godine) i Odlukom Vlade Tuzlanskog kantona (Broj: 02/1-40-6226/20 od 17.03.2020.godine) o proglašenju stanja nesreće uzrokovane pojavom koronavirusa na području FBiH i TK, a u cilju zaštite i spašavanja ljudi i materijalnih dobara na području grada Gradačac od širenja navedene zarazne bolesti, proglašava se stanje nesreće uzrokovane pojavom koronavirusa na području grada Gradačac na dan 18.03.2020.godine sa početkom u 12,00.

II

Prirodnom nesrećom obuhvaćena je cjelokupna teritorija grada Gradačac.

III

Na osnovu ove odluke utvrđuju se slijedeće obaveze i zaduženja:

- Da svi Gradski organi, ustanove i javna preduzeća, pravni subjekti i druge institucije stave sve resurse na raspolaganje Štabu civilne zaštite (u daljem tekstu Štab CZ) kako bi iste koristili na ugroženim područjima,
- U svim Gradskim organima, ustanovama i javnim preduzećima kao i drugim institucijama organizovati rad kako bi u cijelosti mogle biti izvršavane naredbe Štaba CZ.
- Zadužuje se Štab CZ da, po potrebi, izvrši aktiviranja i drugih pravnih subjekata, javnih preduzeća i građana u vezi sa nastalom nesrećom te da koristi sva ovlašćenja u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća FBiH i TK.

IV

Troškovi koji nastanu angažovanjem Štaba CZ te dodatnim planskim angažovanjem neophodnih i potrebnih resursa finansirat će se iz sredstava posebne naknade za zaštitu od prirodnih i drugih nesreća a u skladu sa Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene

novine FBiH“, broj: 4/12, 80/13), Budžeta Grada Gradačac za 2020.godinu i drugih finansijskih izvora, u skladu sa važećim propisima.

V

Akcijom zaštite i spašavanja rukovodit će Štab civilne zaštite Grada Gradačac.

VI

Obavezuju se svi rukovodioci organa uprave i upravnih organizacija grada Gradačac, rukovodioci pravnih lica i drugih pravnih subjekata, rukovodstva mjesnih zajednica da osiguraju provođenje naredbi Štaba CZ na terenu (provodjenjem naredjenih mjera, pružanjem pomoći i podrške u logističkim i komunalnim potrebama, snabdijevanju stanovništva, obilasku terena, procjeni nastalih šteta i dr.)

VII

Odluka stupa na snagu **ODMAH** a objavit će se u Službenom glasniku Grada Gradačac.

Ova odluka će biti objavljena putem printanih i elektronskih sredstava informisanja.

Dostavljeno: - Štab civilne zaštite Grada Gradačac,
- Odsjek za budžet,
- Stručna služba GV,
- Evidencija,
- a/a

